

Литература фестивалъ

«Мон уг пöя»

Никита Высоцкий Владимир Высоцкий сярись

Удмуртиын ортчиз «П. Чайковскийлэн дор пальёсаз» литературная фестивалъ. Отчы вуылйз Москваись актёр, кинорежиссёр, тодмо зуч кылбурчилэн но артистлэн Владимир Высоцкийлэн пиез Никита Высоцкий. Агаезлы сйзем тодэ ваёнъёссэ со 2 часлэсь кема вераз, висказ лыдзиз бубизлэсь кулон аяз гожтэм кылбуръёссэ.

Премия

Лыдзисъёсын пумиськонэз Никита Высоцкий усътиз атаезлэн «Я бодрствую, но вещей сон мне снится» кылбуреныз. Солэсь куаразэ кылыса ик, куаяк луйскод, малпан кылдэ, ачиз Владимир Высоцкий туннэ та залын, сокем матын пиезлэн но бубизлэн куараоссы. Та кылбурзэ Владимир Высоцкий йылпумъям «Мон уг пöя» кылъёсын.

— Бадзым мургъёс шуо: «Оскы мыным», «Мон кылме сётисько», «Инмар понна, чынзэ верасько». Нош со пичи пинал сямен шуэ: «Мон уг пöя». Атае улонын сьöлыктэм öй вал, но творчествоын со öз пöясъкылы. Соин но, дыр, В. Высоцкий туннэ но калык уг вунэты, — атаез сярись веранзэ мытйиз Никита Высоцкий.

— Туэ январь толэзе солэн кулэмез дырысен 42 ар но 6 толэзь тырмиз, озьы тупаз: югыт дунне вылын но со 42 ар но 6 толэзь гинэ улыса вуттйз. Кычөөсь вал со аръёс? Пöртэмесь. Улэп дыръяз сое öз печатлалэ, со öз адзы аслэсьтыз одйг кылбур бичетсэ но. 1981-тй арын потйз солэн нырысетй сборникез, нимаськыз со «Нерв». Нош В. Высоцкий кöня ке толэзь солэсь азвыл кулэмын ни вал... Атае СССР-лэн Кун премиезлэн лауреатэз но луиз... кулэмез бере 8 ар ортчыса. Мон дышетски Олег Ефремов артист дорын, нош со та премилэн литература но искусство удисысь лауреатъёсты быръёнъя комиссияз пыре вал. Со вераз, кычө спорьяськон мынйз В. Высоцкий пумысен: «Тынэстыд атайдэ «миськызы» озьы, будто ке со али но улэп но соосты кылэ. Туж гажамон но тодмо мургъёс шуизы: уг яра, кулэ öвöл, вазь ай, пе, В. Высоцкийлы Кун премия сётны». Кулэмез бере 8 ар ортчыса но, атае тросэзлы маза öз сётны, лэся.



Москваык библиотекалэн «ВКонтакте» банчысьтыз

Актёр, кинорежиссёр Никита Высоцкий: Владимир Высоцкий али но мон понна гинэ öвöл, тросэз понна улэп.

Герой

— Вераны кулэ, В. Высоцкий али но трос берыкто мукет кылъёсы, мон тодэмъя, 70 кылэ берыктэмын солэн кылбуръёсыз. Со книгаослэсь тиражъёссэс учконо ке, паймоно. В. Высоцкий кулэм бере 10 ар куспын гинэ 3 миллионлэсь трос бичетъёсыз калыке вöлмизы. Али та лыдпус эшшо но трос ини. Улэп дыръяз солэсь кырзанъёссэ но öз быдэсьялэ, нош али тросэз артистъёс репертуаразы соосты пырто. Высоцкий öз но кулы кадь. Со улэп, со ужа. Кылбуръёссэ,

Владимир Высоцкий (1938-1980) — кылбурчи, актёр, бард. Кырзамез, «Место встречи изменить нельзя» фильмын Жегловлэсь рользэ быдэстэмез понна 1987-тй арын пусъёмын СССР-лэн Кун премиеныз. 3 пол кышнаяськылйз, пиосыз — Аркадий Высоцкий но Никита Высоцкий.

кырзанъёссэ кылзыса но, малпан кылдэ: соос толон гинэ гожтэмын.

Берло кылбуръёссэ (ог 40 ужъёс) В. Высоцкий нокинлы öз возматъя. Соос сярись тодо вал матысь эшъёсыз гинэ. Ми шедьтймы соосты, рукописьёссэ но архивзэ бугыръякумы. Та кылбуръёс нокутын печатласъкемын öй вал, соос но ми доры вуизы кулэмез бере. Та чуръёсты лыдзисько ке, валасько: атае шöдэм кадь, югыт дуннеен люкиськонэз матэктэ

ни шуыса, соин ик трос но дыртуса гожъяськем.

2012-тй арын Россиян юалляськон ортчиз. Отын одйг гинэ юан вал: кинэ тй 20-тй даурысь Россилэн героеныз лыдъяськоды? 3 сюрс 100 адями гожтэм Владимир Высоцкийез. Со 3-тй инты басътэм. Со азын сыло космонавт Ю. Гагарин, маршал Г. Жуков. Малы но кызы отчы шедиз В. Высоцкий? Мынам та юанлы валэктонэ öвöл. Со öз улы геройлэсь улонзэ, но ваньмыз понна дунзэ тыриз ачиз, кызы шуэ вал «Колея эта — только моя».

Вузаськыса, пöясъкыса öз улы...

Гамлет

— 1971-тй арын Таганкаысь театрын пунктэмын вал Шекспирлэн «Гамлетэз». В. Высоцкий шудйз валтйсь ролез, ваньмыз сямен артистъёс — бадзым кизилюс. Со одйгез кужмо спектакль, кудзэ мыным учкыны кылдйз. Постановка йöспöртэм, воксё туалала шöмо, валамон вал: спектаклез дунъясь комиссия та ужев калыклы возматыны

уз лэззы. Зэм но, комиссия кема кенешиз: классикаез сычө туалала карыны уг яра, советской учкысы тачө ужев возматыны кулэ öвöл... Соку одйгез пинал критик шуиз: та спектакльлэн одйг бадзым гормонэз вань, со мукет чыры-пыры шежъёсты ворса — та спектакльын вань Гамлет. Высоцкий 200-лэсь трос пол шудйз та ролез Россиян но кунгож сьöрын. 1980-тй арын 27-тй июле но Гамлетэз сцена вылын шудыны кулэ вал, но 25-тй июле кулйз. Одйг мурт но кассае билетсэ öз берыкты. В. Высоцкий кулэм бере та спектаклез Таганкаысь театрын огпол но öз ни возматэ.

Атае кулыку, мыным 16 арес вал. Туж умой тодйсько сое ватон нуналэз. 5 часын чукна вуим театре, атаелэсь короссэ пуктймы.

Огшап ортчыса, потй ураме но пайми: ульчаос калыкен тырмемын. Адымиос зарезь кадь тулкымъяськызы. Öз, нокин öз кереты, öз донгаськы. Мон йырма жутй — адымиос писпуос, киоскъёс, коркаос йылын но пуко. Буш укноос öй вал. Матысь юртъёсын улйсьёс доразы адымиосты лэзьяллям, соос но мед учкозы шуыса.

Берло веразы, жыны час куспын В. Высоцкийен люкиськыны мылкыд карисьёслэсь черод театр

азысен Кремль дорозь вуэм, со кöня ке иськем. Коросэн автобус урам кузя мыныку, поглян улэ сяськаос куязы. Озы атае берпум сюрес вылаз сяськаослэсь маке зöкта выж лөгет вылтй кадь ортчиз.

Марина Влади

— Кöня ке адымиос нимысьтыз инты басъто вал В. Высоцкийлэн сюземаз. Соос тыршизы улонзэ капчигес, умойгес карыны. Соостэк атай öжытгес улысал. Кылсярись, актёр Всеволод Абдулов В. Высоцкий понна вын интыын вал. Ужбергатйсьез Вадим Тумановез но артистэз Иван Бортникез вераны кулэ на. Одно ик тау кароно кышноезлы, актрисалы Марина Владилы. Та кылбурез атае солы сйзиз:

*Мне меньше полувека —
сорок с лишним,
Я жив, двенадцать лет
тобой и господом храним.
Мне есть что спеть,
представ перед всевышним,
Мне есть чем оправдаться
перед ним.*

Соос туж матын адымиос вал. Киноын шудэм, 3 нылпиоссэ будэтэм сяна, Марина Владилы чаклано вал на висись ажайзэ. Но Марина, ваньзэ куштыса, Франциясь лыктэ вал В. Высоцкий доры, атайлэн тазалыкез уродмыку яке депрессиез кутскыку. Та адымиос чөм дыръя ог-огзылэсь кыдөкын улйзы ке но, соос чöш вал. В. Высоцкий со доры нырысьсэ мыныны быгатйз ай, тодматскемзы бере 5 ар ортчыса гинэ. Кычө шуг-секытёс пыр соос потйзы, тросэз уг но тодо. Кызы В. Высоцкий гожтйз Марина Владилы:

*Люблю тебя
и в сложных временах —
И в будущем,
и в прошлом настоящем.*

Марина Владиен кусыпъёсмес капчиейс уд шуы, со атаез вожанэн яке кöтжожен герзасъкемын öвöл, милям куд-ог ужпумъёс, учыръёс шоры учконъёсмы пöртэмесь. Но мон тау карисько М. Владилы, улонзэзлэсь оглюкетсэ быдэсак атаелы сётйз шуыса. Владимир Высоцкий сотэк та дуннеысь эшшо вазьгес кошкысал.